

淞演瑣話

第二冊

進步書局校印

王輪著

筆記小說大觀

集



淞濱瑣話卷四

長洲 王韜 紫詮甫著

辛四娘

淡溪王二公。善談諺。能以舌戰勝。賓筵相對。妙趣環生。座客聽之忘倦。一日在喬姓席上。述辛四娘事。足令巾幘鬚眉。聞而生色。雖為儒林佳話。而青衫紅粉。有足傳已。據言幼時。從其父宦隱西湖。僦居船尾。遇夫婦二人。年約四十。以外氣宇精神。飄然瀟灑。從者二僕。一僮兩小鬟。並寓寺中。僅五日。相率以去。不知何往。因詳問寺僧。始悉顛末。男子為潛溪舒姓。本舊家子。才華絕世。顧影無儔。人皆以小潘岳呼之。性喜任俠。風流倜儻。廣結交游。手散黃金。數十萬。生又不善經營。家遂中落。時赭寇肆逆。房屋燬於兵燹。亂世無依。鬻所有。得五千金。避難江北。小住揚州。不一月。寇至。復徙粵東。浪跡七千里外。中途遇土匪。行裝被刦。孑然一身。貲身上寒衣。始得抵粵垣。幸工繪事。人物花鳥。不啻頰上添毫。遂以賣畫糊口。曾寫螺螢。設裏道場圖。為某大僚公子所賞。以二百金購去。時有吳人辛夢生。翠眷避難。同客珠江。薪桂米珠。歲闊債迫。將鬻其女。以償客通。論價五百十金。骨肉分飛。泣不可仰。生知之。即探囊出賣畫金二百。盡付辛君。不告姓名而去。歸而自思。且喜且慰。然臘鼓已催。不免小有逋負。

寓主人催索賃廡資。生窘甚。脫寒裘付質庫。稍得撫贍一切。比過大除日。畫素紙三四帙。售之於人。日用敷衍。綽然有餘裕。從此丹青之名漸噪。求者日衆。生取不傷廉。並不苟求重價。然衣食之費恃此取盈。頗不虞其匱乏。不半年。客子囊中微有蓄積。亂後歸家。立錐無地。未五年。窘益不支。乃棄筆復之粵東。時珠江船艤最多。淡粉輕脂。爭妍獻媚。富商顯宦。貴族巨紳。皆以花薰徵逐為豪。生目染耳濡。未能免俗。酒酣興發。思作章臺訪蠹之游。時有名妓雅仙者。來自姑蘇。獨張豔幟。北里中目為尤物。然纏頭之費。一夕需數十金。偶不當意。輒以閉門羹待之。生修容飾貌而往。一見如舊。相識往來既久。益稔生之性情。願為夫子妾。每低幃暱枕。輒以為言。繼而齒臂成盟。期以心踐。傾其囊得二千金。姬益以金條脫六枚。遂為之脫樂籍。生居粵東數年。聲名益著。求其畫者。戶外屢滿。酬資亦日昂。當路大僚。咸有饋遺。適捐例新開。生遂納粟為丞。需次穗垣。不日官檄遞下。即令其辦理洋務。生措施裕如。中外咸欽。旋畫屏事起。生隨當道出關。久之無成議。爭競紛紜。莫衷一是。生獨持和約所言。侃侃與談。酋長或有所不可。則與之反復辨難理正。而詞嚴。至於再三。酋長卒為所折服。然後其議乃定。關外地多卑濕。毒熱鬱蒸。瘴癘殊甚。生不能耐。乘驛先歸。道經桂林。每遇佳山水。輒題名其上。或正書。或側書。或倒書。書後必使石匠加以斧鑿。深入數分許。朱墨爛然。或得妙句。亦

心大書而深刻。生自視意殊得甚。歸告雅仙。雅仙笑曰。君鑊削山骨。不慮山靈見憎耶。未幾。又捧上官檄。至惠州博羅一帶。勾當公事。事畢。作羅浮之游。四百三十六峯。游屐殆無不徧。曾留黃龍觀三宿。素與鍾孝廉欽光訂交。故往訪之。適下山未歸。遂題詩一律。書於壁上。以誌雪泥鴻爪。詩云。蕭蕭風葉夕陽殷。芒屨來時駕未還。慚我卑官沈宦海。羨君高第住名山。黃精朱草神仙藥。玉署金門侍從班。自恨鱣生太無福。莫隨猿鶴共追攀。一日偕同伴遊山。中途忽爾相失。四顧彷徨。迷於所往。彳亍獨行十許里。得一道院。榜曰。蓮仙廬。詎山中素未有此精舍。自恨阮孚蠟屐。猶未踏徧。意欲入而小憩。叩扉良久。寂無應者。用力推之。呀然自開。麾階升堂。闌無一人。其中曲闌文牖。畫棟雕牆。絕類閼闈巨家。並不似寺觀裝飾。所有陳設諸物。亦復華煥異常。鼎彝帷幕。雅淡入古。奇麗相宣。顧虛室自闌。人跡不遠。未免懷疑。正面廳事所臚列者。皆大齊木難珊瑚翡翠。几上供白玉瓶。內有水晶樹。高可七八尺。盤中夜光珠。大如雞卵。入夕清輝煥發。照耀一室。可不用燈燭。即在日間。注視熊熊然。目為之眩。四壁皆古書畫。上懸一匾。曰。萬古常新。其旁楹聯。已剥蝕不可辨。由屏後入。復見高屋五楹。雕鏤精巧。兩旁畫廊曲折。直達飛樓。屋後一帶紅牆。現一洞門。其圓若月。洞門以內。瑤草琪花。鳥聲格架。越重門視之。飛甍畫檻。綺閣文疏。一桁珠簾。垂垂正下。飛花打窗際。人語不聞。庭

中李樹一株。雜以西府海棠。紅白爭妍。天然可愛。由晶窗微窺。見其內脂暉粉盡。鏡檻空空。無一不具。報時鐘。閭閻徐行。正鳴六下。正中設紫檀牀。繡帷高捲。兩金鈎。各垂五色線。牀前東首雕沈香繡榻。一榻上一几。置繡履一雙。花樣精工。織小如瘦筍。方欲揭簾而進。聞月洞門外人語喧。聞類女子聲。由遠而近。懼隱石後。則見一羣嬌婢擁麗人至。天時已漸黑。視不甚了。而鬢影衣香。心骨皆醉。女郎入內。想自傳呼晚餐。且謂今朝作竟日遊。登山臨水。選勝探幽。可稱快甚。今各人皆倦。可早眠。又一婢謂吾等出門。司閨媼漫不經心。閨門虛掩。須示以罰。麗人曰。且止。無小竊入。姑與便宜也。旋有厨媼送膳至。相將食已。一婢至石後小遺。見生大囁。眾婢皆至。一婢以燭。奴來問何事。婢指生謂此梁上君子。須稟糜香館主。再行發落。一婢急至內闈。忽傳主命。謂此生係下界文人。不可輕慢。招呼生至一室。陳設華整。牀榻衾枕。罔不備。坐後。婢即去。生心中忐忑。不知云何。少頃。前婢以酒食來。肴饌芬芳。殷勤勸食。生轉懼而疑。私問婢。笑不答。姑圖一飽。婢以玉杯進茶飲。已。婢徑去。反扃其扉。生無可過。且坐且眠。終夕不成寐。翌晨。前婢復來。已易新衣。容光煥發。生視其舉止婢婷。丰姿妍麗。不類青衣。且口操吳音。嬌婉可聽。因問何姓。曰姓辛。行四。同侶俱呼為辛四妹。聽郎吐屬。當是同鄉。前夕入報糜香館主。時館主謂郎君於妾有恩。當日急難。曾為妾贖身。且謂與郎君三生石上應有

夙緣言次紅暈於頰。若不勝情。生視之。益增嬌媚。因問向居何處。曰五羊城中。舊居尚在。生曰。吳人辛夢生是卿何人。曰妾之父也。昔年蒙君慨贈囊貲。得以卒歲不逮半年。家仍四壁。妾雖恃十指以度日。然所入無幾。終不能供一家溫飽。秋間父母俱遘疫沒。夜食棺櫬。皆賴鄰右資助。身後蕭然。言之痛心。居無幾何。忽有無賴窺余孤弱。以扁舟載余出。诳謂與靈柩同送還鄉。孰料黨之章臺為錢樹子。妾探知是信。躍身入海。爾時晚潮正上。珠江流急。莫從救援。適值麝香館主自南海省親回。舟經波羅廟外。聞有物相觸。急令援起。昇以回生丸。遂甦。館主時講授吐納長生之術。幸得聞其緒餘。心有所會。館主命妾隨館下山。藉報曩恩。不然再隔數年。何患不證成道果。雖然此天數也。觀郎君眉睫間有清氣。今日即為功名中人。將來自有神仙福分。言際。即有豔婢四五人來。曰館主願一見君。然後言別。院中曲房邃室。萬戶千門。凡歷數重門闈。而後達館主室。主年約十六七歲許。妍妙秀逸。不可一世。端坐繡墩。見生入起立。相迓笑問。羅浮之遊樂乎。合有因緣。小住此間。今暮當以飛車送君還也。謂女曰。汝不日功行將滿。祇以報恩。故暫履人世。領畧三十年富貴。後來此間。勿徒久戀紅塵也。顧謂生曰。君記取。八十歲後。花朝庭畔。玉蘭花大放。有紅鶴一羣。鈞輶鳴樹上。即君易簷歸真時也。向知君善丹青。欲求梁翰。但此處為神仙淨域。不可久留。又君與此女好合之。

期定於明日。過此則赤繩又繫他人。此間仙真所集。不可動兒女俗緣。故不得已而遣君耳。顧命取飛車至。生女同乘。機捩一轉。自能上升。但覺兩耳習習風生。須臾已抵穗垣。寓齋下止庭中。生女並出。車自引去。生亟歎其奇。翌晨諭吉。遂行合巹禮。位次於雅仙。臧獲俱以辛姨呼之。未一年。生以卓異升太守。旋晉監司大員。釐姦剔弊。政治一新。上嚮用方殷。由臬而藩。一月三遷。不十載。開府河南。時生嫡妻物故。而雅仙亦早捐。女遂正位閨中。居然起居八座。稱一品夫人矣。後由豫而粵。擁節錢者二十年。女謂生曰。日中則昃。月滿則虧。今日者誠稱極盛矣。急流勇退。此其時矣。抽宦海之帆。息風波之險。隱居邱壑。領趣山林。豈不樂哉。生曰諾。即日上疏乞休。既歸故里。時作近游。生與女皆有山水癖。聞孤山梅花極佳。遂由鄧尉移櫂而來。同赴西泠。勾留數日。又向他處游覽。女年四十外。望之猶如二十許人。

沈蘭芬

巢湖在吾吳東北。水天一色。彌望靡涯。有灣泊處。作一收束。凡十有二。收束處湖流稍狹。過此則又煙波浩淼。湖之濱民多捕魚為業。春水投竿。斜陽曬網。得錢沽酒。與世無爭。最後收束處。有鎮曰后宅鎮。東曰沈家橋。所居皆沈姓。有民敬福者。巨商也。生子名蘭芬。年十歲秀外慧中。有神童之目。父早故。叔氏撫養之。如己出。年十三。舉五經。并解吟咏。師嘗隨意出聯語。

以試其才之速拙。生其應如響。敏捷異常。如半夏對長春。亥唐對子夏。惟酒無量。對于湯有光感不待思索。老宿聞之皆歎服。年十五以冠軍補博士弟子員。明年食餼每一藝出儒林傳誦之。世家大族爭欲聯姻。而生擇偶甚奇。都無當意。時道路謠傳洞庭君幼公主。以失歡於錢塘君。降生民間。生固熟讀龍女傳者。聞之獨信。物色風塵。了無所遇。會秋試歸舟泊石湖。白板烏篷。牙檣如蟻。漁人數十輩。操楫捕魚。鳴榔甚急。鄰舟一隻。網得錦鯉一尾。重數十斤。赤翅紅鱗。目灼灼。視生若乞。其拯救者。叟以草繩貫其腮。叟而登岸。血流膚綻。謂將待善價而沽。生問其值曰。此係赤鯉。不足供也。箸。君肯出青蚨三千翼。即可購去放生。愛物之仁。亦莫大陰德也。乃解囊與之。命持魚至船首。生代脫其繩。縱之波中。始猶被創。載沈載浮。須臾向生點首者三。攸然而逝。生竊喜。次日發棹開行。徑歸里居。是年落第。鬱鬱不得志。同社友欲解其愁。招往游北郭蘭若佛塔禪堂。經行殆徧。忽遇一麗姝。年可十五六。以來螺髻雲鬟。峨眉山簇。丰姿豔絕。後隨一媿。似母而女者。生不覺為之心醉。女以所持筠籃纖手取香。向古鼎焚之。玉掌和南。深深膜拜。旋在殿中。隨臺一周。蓮步輕移。姍姍徑去。生木立神癡。友戲之曰。豔秀才將離魂隨去耶。微牽其衣。生亦自失笑。因問曰。誰家小姑子。如此嬌麼。生此生得近溫柔鄉。勝於登仙萬倍。日暮還家。苦憶麗人。不能去懷。是夕夢至一處。青谿白板風景。

如入畫圖。橋南碧桃數株。落英繽紛。柳陰下一青雀。航繫纜。堤邊舟中一女郎。背生而坐。俯首若有所思。生驚之以噦。女一回首。則日間所見之麗姝也。意外相逢。嫣然一笑。生大喜。登舟問訊。女自言龍姓。小字霞姑。刺櫂捕魚。年十五歲矣。父早故。依寡母為生。泛宅浮家。清波鑑影。小結魚蝦之隊。平添鷗鷺之鄰。因還問生。生亦自陳邦族方隸。語間溫忽。至從岸上登舟。見生與語。問男子何來。女紅漲於腮。囁嚅不能言。生亦無以自容。嗔曰。我家阿姑。冰清玉潔。誰家莽男兒。想喫天鴛肉耶。手取竹篙欲擊。生大驚急起。欲躍登岸。不料足為船纜所絆。遂墮水。放聲大呼。蘧然而寤。心頭猶跳不止。驚汗淋漓。已濕透枕函矣。尋思夢境。恍在目前。且喜且愁。相思益摯。詰朝。身熱如火。病不能興。目眩神迷。飲食銳減。如是浹旬。母愛子情殷。細詢病源。生以堂上之尊。級於啟口。醫藥並進。病勢稍痊。然每日祇飲雙弓米半瓶。時復昏迷。恍與麗人相見。一月後。奄然牀幕。鶴骨支離。鎮西陸椿齡摯友也。聞生病。前往探之。生自服某醫藥。神氣稍清。至此稍能起坐。陸問生病。具告之。并述前夢。陸忽悟曰。女名霞姑耶。生知其異。問何以知之。陸曰。君試言是否。生曰然。陸笑曰。果爾。欲謀伉儷。亦復何難。此女龍姓。父本讀書。置通顯。彈劾某權臣。勢不能敵。反遭罷斥。後復欲以他案中傷之。龍以眾侵難圖。改姓嚴氏。隱於漁。與烟波釣徒為伍。三年前龍故無嗣。母女貧不能活。仍操是業。女尚未

字人喜習文翰。母女捕魚外。每刺船於范蠡湖。常在小青溪停泊。君夢中所見。即金姬墩東之雙板橋也。生曰。兄何以知其詳。陸曰。金姬墩朱姓。為僕中表戚。女為朱姓之義女。僕曾一見之。媚態橫生。丰姿絕世。眉纖細而身嬌娜。龐秀而不豐。笑時兩頰作圓渦。齒白如編貝。君所見然否。曰。然。曰。賞識固真。然區區事。媒亦不難。君何不相謀。乃值得為美人憔悴。死疾少已。當為故人執柯。勿徒損心思也。生躍起鼓掌曰。小生何嘗病哉。急呼粥。盡兩甌。留陸對榻。談至夜半。安然睡去。詰旦早起。飲漱如常。病若失。陸與生母皆竊喜。乃共議締姻。生欲先往一見。商於陸允之約期而去。陸丐朱姓。嫗為先容。偽為友人之僱舟也者。比至雙板橋。舟已他徙。覓數日。遇於三歎蕩。女母適入市。朱嫗引生入船相見。俱各駭異。仍疑夢中。彼此相憐。不言可喻。嫗謂女曰。阿姑何久不至吾家。此沈家郎。驚才絕豔。尚未聯姻。今欲僱阿姑舟。赴惠山訪友。阿姆何不見。女曰。母赴市賣魚。近日春水風平。百鱗充足。母謂乘此新晴薄暖。正宜勤趁生涯。故打槳投會。梳妝無暇。沈郎才調兒。亦久聞余惠山之行。兒亦不能自主。既而笑謂嫗曰。兒雲水浮生。幼時曾涉文字。自先君見背。託迹江湖。擊汰揚舲。久疏翰墨。而性耽吟咏。往往捉筆為之。近日新成拙作二章。自愧不工。乞姆也轉求沈家郎改削。言已。即於內艙取出薛濤牋付嫗。轉交生手。生見字跡端媚。絕類簪花詩云。禍懼批鱗作隱淪。扁舟十載。

劇艱辛。莫愁江上風波險。此處桃源好避秦。前身何處證靈脩。墮落人間不自由。昨夜夢中
曾記取。天孫故意會牽牛。枉教倚綠更憐紅。鏡裏蛾眉色相空。落盡夭桃千萬樹。好花劫莫
怨。東風棄却烏紗住水鄉。一聲欸乃路茫茫。阿儂試向空江笑。萬頃荷花鬪晚妝。讀已且感
且憐。謂溫柔敦厚。哀而不傷。如此詩才。實由天授。令人不勝傾倒。僕當持去。終日焚香拜誦。
然後再為續稿。想婢學夫人。終難神似也。遂懷稿藏之。嫗云。嫗既他行。吾等且去。阿姑詩俟
小郎改就。寄還未遲。因登岸而返。生以女才貌雙絕。求婚愈急。屢向陸椿齡催促。而陸適以
喪事遷延。因循月餘。始得賦閒。時霞在太湖張網猝遇颶風舟覆。母女皆溺死。事聞於陸戚
勿洩。而生已微聞之。大驚。往探果確。一慟幾絕。母憂甚。勸慰百端。始肯聘某氏女。固邑中巨
族也。貌雖不逮女。而娉婷綽約。亦如圖畫中人。踰年生一子。愛若掌珠。五歲穎悟非常。九歲
捉筆為文。英英露爽。固離鳳清於老鳳聲也。生自霞死。晷刻不忘。霞詩則以銀盒日藏身畔。
每逢花香鳥語。情思無聊之日。一展閱之。然必淪茗焚香而後出。往往臨風灑淚。面壁欹敵。
其深情蓋有如此者。一日省親赴鄂。道繞湘江。行李僕從。悉留在後。已先獨步至郊外。約小憩。
城南蘭若大樹下。相待。貪看山景。誤入歧途。亂石巉巖。斜陽將下。心中漸懼。時逢窮村少人。
影稀疏。重返舊途。無可問訊。腹餓甚。饑腸辘轆如雷鳴。行抵一處。曲徑通幽。前現修道一條。

白沙文石芳草如茵。桃李芳菲落紅滿地。循路以進。約二里許。道旁有甲第。一門半掩。生志在求食。且欲謀宿。徑往叩扉。寂無應者。側身徑入。歷階而堂。歷堂而室。闌無一人。繼至後園。樓臺掩映。亭榭崕崿。忽聞有人語聲。自遠而近。急隱身石後。覘之。已為一女婢所瞥見。驚曰。賊在此矣。羣婢亦聞聲趨至。羣指生謂此必梁上君子。須稟司花仙子。再行發落。一婢急至內闈。生被眾婢捉襟捉耳。至簷下。內命搜其身中。無所有。祇得阿霞詩并盒持去。旋一青衣婢來。謂此係通品文人。並非夜客。毋許唐突。引生至一室。則室中先有一麗人在斜倚繡牀。似曾覩面。然不敢作劉楨之平視。惟向上長揖。口稱仙子。女隨起立。敂衽謂生曰。同心人數載分離。還相識否。生猛憶曰。卿霞姑耶。聞卿已伍波臣。何以此相遇。今日之會。真耶夢耶。女曰。妾與母皆係花仙。因遭塵劫。墮落凡間。當時身葬清波。並未真死。劫滿後。上帝以妾忍心受難。封為此地司花仙子。隸屬龍宮。即命龍女清河君主為之管領。隨命為生更衣。設酒糜香院殿。生甫三巡。忽傳君主至。女匿生夾幙中。肅迎而入。如執臣下禮。將坐四顧徘徊。曰。何以有生人氣。女失色跪白所由。君主命曳生出。熟視曰。君沈蘭芬耶。沈叩答曰是。君主欣然起立。親自曳起曰。恩人也。震顫命坐。致問起居。生不解所謂。君主曰。君不記試歸放生事乎。生始恍然。君主謂女曰。仙子既證仙班。不可再墮情劫。況此處為造榜之所。凡人不可相留。

須令恩人歸家。吾等皆以珠寶相貽。即可云報。次日特設盛筵為生錢行贈遺甚厚。臨別生與女皆依戀不忍相捨。既因驪喝相催。勢難留滯。遂懷所贈而返。出鬻所得物於賈胡。獲金無算。稱素封家焉。

皇甫更生

皇甫向字更生。吳人。少孤。習儒業。性鯁介。作文喜揣摩。名家專稿若陶菴之雄豪。卧子之深峭。水心之冷雋。旁及華亭弇山暨國朝熊劉張方諸家。靡不寢饋其中。食而能化。特不屑就。有司繩墨。年躋弱冠。甫青一衿。母氏王。系出洞庭。為明文恪公裔孫女。諸兄承家學。門蔭俱登黃甲。任京秩。季弟最少。掇大魁。有女小字若蘭。生時異香滿室。空中音樂喧鬧。鄰舍皆聞。傳為異事。未滿月。母產後失調。遽病革。弟舉以屬妹。子身入都。去時更生甫免乳。姑遂自哺其姪女。愛護逾於所生。已而弟在都納妾。舉子屬保母來取女。女甫五齡。少更生兩歲。臨行投姑懷。依依不忍捨。姑給之曰。兒先去。我行與汝兄同來。不過數日。別耳。女信之。遂鞠跽拜。已與更生執手。喃喃詰久。始就保母抱。登輿去。會太湖劇盜。赤腳張三。橫行村落間。劫奪商旅。相率戒遙。王氏亦徙避都中。遂十餘年。彼此不通音耗。更生文名噪甚。顧兩踏省闈。薦而不售。學使者特以拔萃科徵。本不欲應。而母氏繫念同胞。且思若蘭甚。因質田產。貸戚友。得

千金治裝北上。所過名郡勝地佳山水。必侍母游覽。或流連時日不少倦。返舟輒託諸吟咏。
積行卷累寸。登金焦。留十餘日。得詩最夥。沂長江而上。抵袁公路浦。投止旅舍。聞隔屋有人。
口操鄉音。詢之。係甫出都而攜眷南旋者。更生就見之。與敘桑梓誼。隨問及洞庭王氏。其人
聞之色遽變。若甚倉皇。答曰。不知不知。俄而內有三十歲許婦人。露半面來窺。即呼其人入
內。戶遂閉。更生甚疑。出告母頃所見狀。母亦惶惑。令老嫗過隔屋。欲有所詣白。叩戶拒不納。
但聞室內厲聲斥之。曰。旅途寄跡。一宿即行。誰有精神管他家事。嫗返命。母子愈訝其不情。
顧以都門漸近。當易得踪耗。且視其人。本齷齪市僧。或不識京中官闈。怪訛而罷。明白詰之。
店主主人云。其人係某宦幹僕。所挈婦人。即其繼室。口音似揚州。裝資纍纍。絕無從者。五更乘
驛車。匆匆行矣。聞之益滋疑怪。乃兼程而進。半月入都。亟問至王狀元第。則以閣學典秦中
試。覆命後。遘疾。沒百餘日。一妾於月前盡盜所蓄。隨俊僕逸去。莫可踪跡。室中僅遺弱女孤
兒。日守靈幃泣。一蒼頭。一赤腳老婢。典鬻琴書。以資食用。女見姑母。牽衣跪膝下。嗚咽不成
聲。僕婢亦泣數行下。母百端慰藉。既而廉得兩逃人狀。則固逆旅中所遇者也。問諸凡或死
或徙。或遠宦邊省。同年戚友。更無一人存恤。貌孤者。時若蘭年十九。弟名家蔭。年十四。已舉
十三經。翼日。即命更生出橐中金。俾擇日舉舅櫻旅。寄僧寺。母與若蘭居內。更生閉戶課家

董習帖括詩賦三四月已斐然可觀既而廷試一等二名以小京官行走軍機聲名藉藉諸同譜俱來訂交某相國固與更生有年誼覩其才藻耀而人玉立特加賞識況友執柯願以愛文字之顧更生注意若蘭婉言謝卻往返數四觸相國怒思中傷之會有票擬下兵部更生措語過激直相國諷尚書許奏查當日值班司事斥之出軍機下帷謝客日涉獵經史家董服既闋為納粟國學相將入闈一戰俱捷明年更生聯捷以第三及第適母從兄某以豫撫述職入觀兄妹相見悲喜交集謗甥高捷姪舉孝廉更喜出望外即以若蘭許字更生家董承祧已後出金累萬購第米市衡軒為若蘭製嫁衣耀首之飾皆以重價購置卜日行合巹禮月餘揚孝廉赴任臨行妹以僕妾同逃事縷述年貌屬兄訪緝迂道南下至蘇泊舟金閣亭畔進謁蘇撫固家董父會試同年敘述往事撫軍銳以自任時屆中秋節七里山塘游人蟻集畫舫雲屯笙歌雷沸兩岸殆無少隙督覩一舟往來水面如織梭船頭男子箕踞而坐鮮衣靄腹傲睨四顧旁有豔妝婦人珠翠壓鬢指顧嬉笑孝廉自窗隙諦審之婦人非他蓋即其生母也既恨且愧跪父前密訴父掖之起曰兒毋悲此而父之靈陰使之敗露也即命僕登岸呼集府縣捕役入舟尾其後至治芳浜口空濶處俟彼舟掉頭適相觸令孝廉出艤大聲呼之曰娘乃在此耶婦人舉首瞥覩面無人色急奔避入後艤眾役紛登其舟出

鐵索繫男子頸。猶強項不服孝廉以履撻其面曰。狗彘奴亦有今日耶。僕見小主匍伏崩角。不敢出聲。俄聞船尾有若重物墮水。羣舟盡譙。則婦人踴躍入波心矣。孝廉意良不忍呼鄰舟救之。及拯起。則已奄然斃。父謂之曰。聖人不喪出母。矧係背逃。與兒恩義已絕。即幸活亦同覆水。姑念生身棺斂從厚而已。孝廉含淚唯唯。乃將男子送縣嚴比追贓。無所失隨瘦死獄中。留數日買片壤葬婦人訖。返洞庭東山。則劇盜張三數年前官兵已捕得伏誅。故居無恙。族人咸來問訊。出貲修葺廬舍。祭掃墳墓。族之貧病者皆有餽遺。流連月餘。留老僕守門戶。父子回任。明年家產入都會試。值上元燈事遇雨。舟泊毘陵驛前。夜飯後。正欲解衣高枕。陡聞鄰舫笙歌。遙見市塵燈火。蓬窗靜坐。益覺無聊。遂上岸微步。至一小家門首。沿街小樓兩椽。窗中燈影熒然。忽聽讀琵琶行。琅琅上口。音甚清銳。不覺駐步傾耳。誦聲忽止。俄左侧雙扉呀然啟。一老嫗秉燭出曰。郎何為來。得毋慕吾家才女。名思一見耶。孝廉事出意外。亦甚欣喜。應曰。然相將入內。嫗呼女出。見映燭視之。蓋天人也。側立斂衽。羞澁之態。若無地可容。而薄袖傾鬟。秋波流盼。孝廉不覺神魂飛越。逡巡答揖。已就坐啜茗。女含笑問曰。郎君知蝦蟆陵在長安耶。抑在洛陽耶。孝廉曰。曾觀雍錄。蝦蟆陵在萬年縣南六里。是時唐天子建都秦中。而彼明言生長京城。則在長安無疑。註釋家言洛陽者誤也。女曰。浮梁又在何處。